



An Bhruiséil, 21 Bealtaine 2021
(OR. en)

Comhad Idirinstitiúideach:
2018/0258(COD)

8861/21
ADD 1

CODEC 714
UD 140
ENFOCUSTOM 76
MI 357
COMER 46
TRANS 303
ECOFIN 450

NÓTA MAIDIR LE MÍR "I/A"

ó:	Ardrúnaíocht na Comhairle
chuig:	Coiste na mBuanionadaithe/An Chomhairle
Ábhar:	Dréacht-RIALACHÁN Ó PHARLAIMINT NA hEORPA AGUS ÓN gCOMHAIRLE lena mbunaítear, mar chuid den Chiste um Bainistiú Comhtháite Teorainneacha, an ionstraim le haghaidh tacaíocht airgeadais do threalamh rialaithe custaim (an chéad léamh) Glacadh an tseasaimh ón gComhairle ar an gcéad léamh agus an ráitis ar chúiseanna na Comhairle = Ráitis

Ráiteas ón Danmhairg

Ní fhéadfaidh an Danmhairg tacú le glacadh sheasamh na Comhairle ar an gcéad léamh maidir leis an togra le haghaidh an ionstraim a bhunú le haghaidh tacaíocht airgeadais do threalamh rialaithe custaim.

Is cúis mhór inné fós don Danmhairg nach ionstraim í an ionstraim a ndéantar cur síos uirthi sa seasamh ón gComhairle ar an gcéad léamh lena n-urramaítear go soiléir an roinnt inniúlachtaí agus freagrachta a leagtar síos sa Chonradh. Tá sé ríthábhachtach don Danmhairg go n-urramófaí le haon ionstraim chistiúcháin nua an fhoráil gur faoi na Ballstáit amháin atá sé a chinneadh rialuithe custaim a eagrú, lena n-áirítear measúnú a dhéanamh ar na riachtanais atá acu agus, i bhfianaise na riachtanas sin, iarratas a dhéanamh ar (chomh)chistiú ó ionstraim AE bunaithe ar chritéir, rud atá soiléir agus réamhshainithe sa rialachán féin.

Dá bhrí sin, tá an Danmhairg fós den tuairim go mbainfí amach (comh)chistiú ar threalaimh chustaim ar bhealach níos iomchuí le hionstraim chustaim a bheadh i gcomhréir le hionstraimí a bhfuil cur amach orthu cheana i réimsí eile, agus a mbeadh sé cruthaithe aici go n-urramaíonn sí an roinnt inniúlachtaí agus freagrachtaí a leagtar síos sa Chonradh.

Ina theannta sin, ní bhfuarthas, faraor, an forléargas ar na cistí atá ar fáil cheana agus atá á n-úsáid chun críoch custaim ó na cláir atá ann cheana. Measadh go mbeadh an forléargas sin rithábhachtach chun measúnú a dhéanamh ar na cistí ba cheart a chur san áireamh in ionstraim custaim nua, agus ar an méid ba cheart cistí a bhogadh ó ionstraimí/cláir eile etc. chuig ionstraim nua.

Ráiteas ón gCoimisiún

Is oth leis an gCoimisiún gur imigh an reachtóir in aithris 22 ón aithris chaighdeánach a comhaontaíodh sa Chomhaontú Idirinstitiúideach maidir le Reachtóireacht Níos Fearr. Cuireann an Coimisiún i bhfios go láidir go n-áirithítear trédhearcacht iomlán cheana féin leis na prionsabail a comhaontaíodh sa Chomhthuiscint atá i gceangal leis an gComhaontú Idirinstitiúideach sin.

Ullmhóidh an Coimisiún aon ghníomhartha tarmligthe faoin Rialachán seo i gcomhréir leis na prionsabail chomhaontaithe sin. Níor cheart don téacs a cuireadh leis an aithris chaighdeánach fasach a chruthú le haghaidh cásanna eile.